

8.

Na osnovu člana 21. Statuta Grada Gradačac („Službeni glasnik Grada Gradačac“ broj 10/22) i člana 8. Zakona o Gradu Gradačac („Službene novine FBiH“ broj 30/19) Gradsko vijeće Grada Gradačac, na prijedlog Gradonačelnika, na 5. redovnoj sjednici održanoj 29.04.2025. godine donosi

O D L U K U
o davanju saglasnosti na Odluku o promjeni naziva osnivača

I

Gradsko vijeće daje saglasnost Upravnom odboru Javne zdravstvene ustanove Centar za fizikalnu medicinu, rehabilitaciju i banjsko liječenje „Iliža“ Gradačac na Odluku o promjeni osnivača. Odluku broj 01-774/2025 Upravni odobor Ustanove je donio na 2. redovnoj sjednici održanoj dana 07.03.2025. godine.

II

Ova Odluka stupa na snagu osmog dana od dana objavljivanja u „Službenom glasniku Grada Gradačac“.

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRADA GRADAČAC
- Gradsko vijeće -

Broj:01-04-189/25
Datum:29.04.2025.god.
G r a d a č a c

PREDSJEDAVALAČICA
GRADSKOG VIJEĆA
Nedžad Šević, s.r.

9.

Na osnovu člana 8. Zakona o ministarskim, vladinim i drugim imenovanjima FBiH („Službene novine F BiH“ broj: 12/13, 34/03 i 65/13), člana 21. tačka 2. i 18. Statuta Grada Gradačac („Službeni glasnik Grada Gradačac“, br. 10/22) i člana 15. Odluke o utvrđivanju standarda i kriterija za imenovanje/nominiranje na upražnjene pozicije u reguliranim organima Grada Gradačac („Službeni

glasnik Grada Gradačac“, broj 5/22), na prijedlog Komisije za izbore i imenovanja, Gradsko vijeće Grada Gradačac na 5. redovnoj sjednici održanoj dana 29.04.2025. godine, donosi

O D L U K U
o raspisivanju javnog oglasa za izbor i imenovanje/nominiranje na pozicije u upravnom odboru javne ustanove i nadzornom odboru javnog preduzeća

Član 1.

- a) Pokreće se procedura raspisivanja javnog oglasa za izbor i imenovanje upravnog odbora:
-JU Apoteka Gradačac - jedan (1) član upravnog odbora predstavnik Ministarstva zdravstva Tuzlanskog kantona.
- b) Pokreće se procedura raspisivanja javnog oglasa za izbor i nominiranje članova nadzornog odbora:
- JP, „Javno stambeno preduzeće Gradačac“ d.o.o. Gradačac – dva (2) člana Nadzornog odbora;

Član 2.

Imenovanje člana Upravnog odbora Javne ustanove „Apoteka“ Gradačac vrši se do isteka mandata ostalim članovima upravnog odbora imenovani rješenjem Gradskog vijeća, br. 01-04-151/25 od 03.04.2025.godine a nominiranje članova Nadzornog odbora Javnog preduzeća „Javno stambeno preduzeće Gradačac“ d.o.o. Gradačac, vrši se do isteka mandata članova nadzornog odbora nominirani rješenjem Gradskog vijeća br. 01-04-158/25 od 03.04.2025.godine.

Član 3.

Proceduru izbora člana Upravnog odbora Javne ustanove „Apoteka“ Gradačac provest će Ministarstvo zdravstva Tuzlanskog kantona od raspisivanja javnog oglasa do okončanja cijele konkursne procedure, koji će prijedlog za člana upravnog odbora predstavnika Ministarstva zdravstva Tuzlanskog kantona dostaviti Gradskom vijeću Grada Gradačac na dalje odlučivanje.

Proceduru izbora i nominiranje članova Nadzornog odbora Javnog preduzeća „Javno stambeno preduzeće Gradačac“ d.o.o. Gradačac od raspisivanja javnog oglasa do okončanja cijele procedure provest će Komisija za izbore i imenovanje Gradskog vijeća Grada Gradačac koja će objaviti javni oglas u “Službenim novinama FBiH”, u dnevnom listu velikog tiraža koji se distribuira na prostoru cijele Federacije BiH, na web stranici Grada Gradačac i Radiju Gradačac.

Član 4.

Komisija za izbore i imenovanja Gradskog vijeća će po zaključenju javnog oglasa sa kandidatima za članove nadzornog odbora koji budu ispunjavali uslove javnog oglasa obaviti intervju, sačiniti rang listu, pripremiti prijedlog rješenja o nominiranju članova nadzornog odbora Javnog preduzeća „Javno stambeno preduzeće Gradačac“ d.o.o. Gradačac odnosno nakon dostavljenog prijedloga Ministarstva zdravstva Tuzlanskog kantona pripremiti prijedlog rješenja o imenovanju člana upravnog odbora Javne ustanove Apoteka Gradačac i dostaviti Gradskom vijeću na odlučivanje.

Član 5.

Ova odluka stupa na snagu danom donošenja a objavit će se u "Službenom glasniku Grada Gradačac".

**BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
GRAD GRADAČAC
- Gradsko vijeće -**

Broj:01-04-190/25
Datum:29.04.2025.god.
G r a d a č a c

**PREDSJEDAVALAČI
GRADSKOG VIJEĆA**
Nedžad Šečić, s.r.

10.

Na osnovu člana 6. stav (1) i člana 8. stav (1) Zakona o ministarskim, vladinim i drugim imenovanjima („Službene novine F BiH“, broj: 12/03, 34/03 i 65/13), člana 10. stav 3. Zakona o porezu na promet nepokretnosti i prava („Službene novine Tuzlanskog kantona“, broj 5/21-prečišćeni tekst, 5/23 i 5/25), člana 21. tačka 2. i 18. i člana 32. stav (1) Statuta Grada Gradačac („Službeni glasnik Grada Gradačac“, broj 10/22) i člana 3. Pravilnika Gradonačelnika Grada Gradačac o načinu rada, broju članova komisije i kriterijima za utvrđivanje vrijednosti nekretnina, br. 02-04-1324/25 od 21.04.2025.godine, na prijedlog Komisije za izbore i imenovanja, Gradsko vijeće Grada Gradačac na 5. redovnoj sjednici održanoj 29.04.2025. godine, donosi

O D L U K U**o objavljivanju javnog oglasa za imenovanje
Komisije za utvrđivanje prometne vrijednosti
nepokretnosti i prava****Član 1.**

Objavljuje se javni oglas za imenovanje šesnaest (16) članova Komisije za utvrđivanje prometne vrijednosti nepokretnosti i prava.

Član 2.

Komisija za utvrđivanje prometne vrijednosti nepokretnosti i prava imenuje se na mandatni period od dvije (2) godine.

Član 3.

Tekst javnog oglasa utvrđuje i postupak javnog oglašavanja provest će Komisija za izbore i imenovanja Gradskog vijeća Gradačac (u daljem tekstu: Komisija za izbore i imenovanja).

Član 4.

Komisija za izbore i imenovanja će po okončanju javnog oglasa sa kandidatima koji budu ispunjavali uslove javnog oglasa obaviti intervju i procijeniti kvalifikacije prijavljenih kandidata.

Prilikom intervjuja i procjene kvalifikacija i iskustva svih kandidata, Komisija za izbore i imenovanja uzet će u obzir poznavanje odredbi Zakona o porezu na promet nepokretnosti i prava, sposobnosti tumačenja ekonomskih i pravnih analiza i propisa kao i komunikacijske i organizacijske sposobnosti i naklonjenost timskom radu.

Kandidat po osnovu intervjuja može dobiti maksimalno tri (3) boda, a ukupan broj bodova koje pojedini kandidat dobije nakon obavljenog intervjuja će se izračunati tako da se bodovi koje daju pojedini članovi komisije zbroje i podijele sa brojem članova Komisije.

Član 5.

Nakon obavljenog intervjuja, Komisija za izbore i imenovanja će utvrditi rang liste kandidata za izbor i imenovanje Komisije, koje će formirati na osnovu bodovanja kandidata po osnovu dužine radnog iskustva zbrojenog sa ocjenom kandidata dobijenom na intervju i na osnovu utvrđene rang liste kandidata pripremiti prijedlog rješenja o imenovanju i zajedno sa listom svih prijavljenih kandidata dostaviti Gradskom vijeću na odlučivanje.